

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Stručna služba za zajedničke poslove

Broj: 17-14-33505-10

Sarajevo; 16-03-2016 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) i preporuke Komisije za ustupanje usluga u postupku javne nabavke za "Ustupanje usluga tekućeg održavanja kafe aparata u bifeima Kantona Sarajevo u toku 2016. godine" - (Zapisnik o pregledu i ocjeni ponuda broj: 17-14-33505-08 od 11.03.2016. godine, načelnik Stručne službe za zajedničke poslove Kantona Sarajevo, d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za ustupanje usluga u postupku javne nabavke za "Ustupanje usluga tekućeg održavanja kafe aparata u bifeima Kantona Sarajevo u toku 2016. godine" i dodjeljuje se ponuđaču „ARTIKA“ d.o.o. Sarajevo, prema dostavljenoj ponudi broj: 42-2016 od 09.03.2016. godine u ukupnoj vrijednosti od 23,40 KM (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti originalne dokaze ili ovjerene kopije o kvalificiranosti po članu 45. Zakona o javnim nabavkama u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi originalne dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http://www:sszp.ks.gov.ba](http://www:sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-33505 od 26.02.2016. godine – "Ustupanje usluga tekućeg održavanja kafe aparata u bifeima Kantona Sarajevo u toku 2016. godine". Javna nabavka je provedena putem postupka: Konkurentski zahtjev za dostavu ponuda.

Procijenjena vrijednost javne nabavke bez PDV-a iznosi 2.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-2-20-3-22/16 od 26.02.2016. godine u 13:45 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "ARTIKA" d.o.o. Sarajevo; 2. "PROCAFFE" d.o.o. Sarajevo; 3. "VINEX EXPORT – IMPORT" d.o.o. Visoko. Rok za dostavu ponuda bio je 10.03.2016. godine do 11,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

1. "ARTIKA" d.o.o. Sarajevo

2. "VINEX EXPORT - IMPORT" d.o.o. Visoko
--

U skladu sa Odlukom o pokretanju postupka, Komisija za ustupanje usluga formirana Odlukom broj: 17-05-27809 od 18.10.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-33505-08 od 11.03.2016. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dva (2)
- da je blagovremeno zaprimljeno ukupno dvije (2) ponude
- da nema neblagovremeno zaprimljenih ponuda

- da ponuda ponuđača "ARTIKA" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa, dok je ponuda ponuđača "VINEX EXPORT-IMPORT" d.o.o. Visoko formalno-pravno neispravna. Naime, ponuđač "VINEX EXPORT-IMPORT" d.o.o. Visoko dostavio je u svojoj ponudi izjave po članu 45. i 52. ZJN koje nisu ovjerene na propisan način, odnosno nisu ovjerene od nadležnog organa. Ponuda ponuđača "VINEX EXPORT-IMPORT" d.o.o. Visoko je eliminisana iz daljeg postupka evaluacije, a ponuđač je o istom pismeno obaviješten.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Ustupanje usluga tekućeg održavanja kafe aparata u bifeima Kantona Sarajevo u toku 2016. godine" kako slijedi:

1. "ARTIKA" d.o.o. Sarajevo

100,00 bodova


U skladu sa kriterijumom "ekonomski najpovoljnija ponuda" sa potkriterijima: cijena 70%, rok servisiranja 10%, način plaćanja 10% i popust na ugrađene rezervne dijelove 10%, **ugovor se dodjeljuje ponuđaču "ARTIKA" d.o.o. iz Sarajeva** u ukupnoj vrijednosti nabavke za cijenu radnog sata tehničara za servisiranje "kafe aparata" od 20,00 KM (bez PDV-a), a cijena sa PDV-om iznosi 23,40 KM, rok servisiranja je 1 h, način plaćanja je 180 dana i popust na ugrađene rezervne dijelove 10%. Za predmetnu nabavku će se zaključiti okvirni sporazum.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



N A Č E L N I K

Fikret Jašarević

Prilog:

1. - Zapisnik o pregledu i ocjeni ponuda broj: 17-14-33505-08 od 11.03.2016.godine

Dostaviti:

1. Svim učesnicima u postupku
2. a/a